

НАЦИОНАЛЬНОЙ БИБЛИОТЕКАЛЫ - 100 АР

# Лыдзиськон бордын - культура

Виктория КРАМОВА

**Удмурт Элькуньсь Йёскалык библиотекалы таяз арын 100 ар тырме. Таин валче пöртэм уждадьёс радъясько.**

Одйгез соос пöлысь - пöртэм калыктьёслэсь кусыптьёссэс юнматоньын библиотекаослэн интызы сярысь калыккуспо конференция. Со ортчэ 7-тй-9-тй шуркынмонэ.

Россилэн пöртэм улосъёсысьтыз но Казахстанысь вуэм библиотекарьёс шараяло тодон-быгатонлыктьёссэс, эскеро туалла вакытысь юанъёсты но ужпумъёсты. Соос пöлын - йёскалык но калыккуспо электронной ресурсъёс кылдытон, алама адзисьёслы книгаос печатлан, егитъёсты лулчеберетэ кыскон но мукет.

Конференциез радъянэ пырыське ЮНЕСКО-лэн «Павленковской библиотекаослэн огазеяськонзы» клубез но. Флорентий Фёдорович Павленков зуч югдытйсьлэн кичöлтэмезъя 19-тй даурлэн пумаз Россиысь пöртэм улосъёсысь пичи гуртъёсын лыдзиськон юртъёс усьтйськыны кутскизы. Таяз арын «павленковской» клублэн пумиськонзэ ортчэ 8-тй шуркынмонэ Пичи Пургалась С. Самсонов нимо библиотекаын. Та библиотекалэн историез кутске 1905-тй арын чапак павленковской лыдзиськон юрт бордысен. Пумиськоньын шараялозы «Удмуртиысь устоез павленковской библиотека» конкурсын вормисез. ❀❀❀